

源出於積石積石在金城河關不言出於崑崙也。索隱曰惡音烏烏於河也。睹見也。言張騫窮河源至大夏于實於何見河出崑崙乎。謂禹本紀及山海經為虛妄也。然案山海經河出崑崙東北隅西域傳云南南出積石山為中國河積石本非河之發源。猶尚書導洛自熊耳。然其實出於葱嶺山。乃東經熊耳。今推此義河亦然矣。則河源本崑崙而潛流至于闐又東流至積石始入。故言九州山川尚中國則山海經及禹貢各互舉耳。

書近之矣。至禹本紀山海經所有怪物余不敢

言之也。索隱曰案漢書作所有放哉如淳云放蕩迂闊言不可信也余不敢言者亦謂山海經難可即

信耳而荀悅作放劫失之矣

索隱述贊曰大宛之迹元因博望始究河源

旋窺海上條枝西入天馬內向葱嶺無塵鹽

池息浪曠哉絕域往往真障 大宛傳終